



Broj: 01-49-867/19-4

Datum: 28.11.2019. godine

Na osnovu člana 64. stav 1. tačka b), člana 70. stav 1., 3. i 6. Zakona o javnim nabavkama BiH („Službeni glasnik BiH“, broj 39/14), člana 39. Statuta Općine Travnik („Službene novine Općine Travnik“, broj 11/05 - Prečišćeni tekst), a u vezi s preporukom Komisije za javne nabavke broj: 01-49-867/19- 3 od 28.11.2019. godine, načelnik Općine Travnik, **d o n o s i**

R J E Š E N J E

o izboru najpovoljnijeg ponuđača

- (1) U konkurentskom zahtjevu za nabavku usluga - „Nabavka usluge izrade sistema digitalizacije redova vožnje na području općine Travnik – web administratorski panel i android mobilna aplikacija“, objavljene na Portalu javnih nabavki pod brojem 54-7-2-169-3-101/19 od dana 8.11.2019.godine, prihvata se preporuka Komisije iz zapisnika o ocjeni ponuda broj: 01-49-867/19- 3 od 28.11.2019. godine, te se ugovor dodjeljuje sljedećem ponuđaču: RAČUNALNO PROGRAMIRANJE “V3” Čitluk, čija ukupna vrijednost ponude iznosi 11.000,00 KM bez uračunatog PDV-a.
- (2) Po okončanju roka za žalbu ugovorni organ će sa izabranim ponuđačem zaključiti ugovor kojim će regulisati međusobna prava i obaveze vezano za predmetnu nabavku, shodno uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.
- (3) Za izvršenje ovog Rješenja i praćenje realizacije ugovora, zadužuje se Služba za razvoj, privredu i vanprivredu.
- (4) Ovo Rješenje objavit će se na web-stranici Općine Travnik, istovremeno sa upućivanjem ponuđačima koji su učestvovali u postupku javne nabavke, shodno članu 70. stav 6. Zakona o javnim nabavkama.
- (5) Ovo Rješenje stupa na snagu danom donošenja i dostavlja se ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama, zajedno sa Zapisnikom o ocjeni ponuda u skladu sa članom 65. stav (2) zakona o javnim nabavkama.

O b r a z l o ž e n j e

Postupak javne nabavke usluga – „Nabavka usluge izrade sistema digitalizacije redova vožnje na području općine Travnik – web administratorski panel i android mobilna aplikacija“ pokrenut je posebnim Rješenjem o pokretanju postupka javne nabavke broj 01-49-867/19 od 29.10.2019 godine. Javna nabavka je provedena putem konkurentskog zahtjeva za dostavljanje ponuda.

Postupak je objavljen u Informacionom sistemu „E-nabavke“ Agencije za javne nabavke BiH, broj obavještenja: 54-7-2-169-3-101/19 od dana 8.11.2019.godine. Procijenjena vrijednost javne nabavke iznosi 11.000,00 KM bez PDV-a. Rok za dostavljanje ponude u skladu sa tenderskom dokumentacijom bio je 26.11.2019. godine.

Komisija za javnu nabavku imenovana je Rješenjem broj: 01-34-16-589/19 od 29.7.2019. godine te je shodno članu 63. Zakona o javnim nabavkama („Službeni glasnik BiH“ broj 39/14) izvršila javno otvaranje u roku dostavljenih ponuda u sjedištu ugovornog organa. Javnim otvaranju ponuda nisu prisustvovali ovlašteni predstavnici ponuđača. Dostavljanje kopija Zapisnika o otvaranju ponuda izvršeno je u zakonskom roku prema svim učesnicima u postupku nabavke.

Komisija je izvršila analizu dokumentacije priložene uz ponude u smislu propisane forme, suštinske provjere sadržaja i njihove validnosti obzirom na iskazane zahtjeve ugovornog organa u tenderskoj dokumentaciji broj: 01-49-840/19 „Nabavka usluge izrade sistema digitalizacije redova vožnje na području općine Travnik – web administratorski panel i android mobilna aplikacija“, odnosno izvršila ocjenu ponuda u skladu s procedurama i pravilima utvrđenim tenderskom dokumentacijom,

Zakonom o javnim nabavkama, pripadajućim podzakonskim aktima i internim aktima ugovornog organa, o čemu je sačinila odgovarajući zapisnik u kojem je utvrđeno sljedeće:

- Da su ukupno prispjele 2 (dvije) ponude;
- Da su blagovremeno zaprimljena 2 (dvije) ponude,
- Da je ponuda ponuđača: RAČUNALNO PROGRAMIRANJE "V3" Čitluk, prihvatljiva.
- Da ponuda ponuđača: „GOLD ELECTRIC“ d.o.o. Konjic nije prihvatljiva iz sljedećih razloga:
 - Tačkom 3.3.2. tenderske dokumentacije traženi dokazi vezano za ekonomsko finansijsku sposobnost ponuđača: Potvrda poslovne banke ponuđača da njegov transakcijski račun nije bio u blokadi u zadnjih šest mjeseci računajući od datuma izdavanja potvrde. Potvrda ne smije biti starija od tri mjeseca računajući od dana predaje ponude. Ponuđači navedenu potvrdu poslovne banke dostavljaju kao običnu kopiju zajedno sa Izjavom ovjerenom od strane ponuđača .
 - Ponuđač je dostavio popunjenu, potpisanu i pečatom ovjerenu Izjavu o ispunjenosti uslova iz Člana 47. Zakona
 - Zahtijevanu potvrdu poslovne banke o solventnosti ponuđač nije dostavio u ponudi, te time nije ispunio uslov iz gore navedene tačke tenderske dokumentacije.

Iz gore navedenih razloga, jednoglasnom odlukom Komisije, uz primjenu člana 68. stav (4) tačka i) Zakona o javnim nabavkama, ponuda ponuđača "GOLD ELECTRIC d.o.o. Konjic je odbačena kao nepotpuna.

Rangiranje prihvatljivih prema kriteriju za izbor ponude: Kriterij za dodjelu ugovora je „najniža cijena“.

rang	NAZIV PONUĐAČA	KONAČNA CIJENA SA POPUSTOM BEZ PDV-a	PONUĐENI POPUST
1.	RAČUNALNO PROGRAMIRANJE "V3" Čitluk	11.000,00 KM	/

Komisija za javne nabavke Općine Travnik dostavila je dana 28.11.2019. godine općinskom načelniku Zapisnik o radu Komisije i ocjeni ponuda koji je ujedno i izvještaj o radu Komisije broj: 01-49-867/19-3, sa preporukom o izboru najpovoljnijeg ponuđača za predmetnu javnu nabavku. U istom je navedeno da je pregledana i analizirana dokumentacija priložena uz ponudu ponuđača u smislu provjere njene validnosti, obzirom na iskazane kvalifikacione zahtjeve ugovornog organa u tenderskoj dokumentaciji.

Shodno navedenom Komisija je prema utvrđenom kriteriju „najniža cijena“ preporučila općinskom načelniku da se u predmetu javne nabavke usluga: „Nabavka usluge izrade sistema digitalizacije redova vožnje na području općine Travnik – web administratorski panel i android mobilna aplikacija“, donese Rješenje o izboru najpovoljnijeg ponuđača i da se kao najbolje ocijenjena prihvatljiva ponuda, određuje ponuda RAČUNALNO PROGRAMIRANJE "V3" Čitluk, te da se u skladu sa Članom 69. stav (1) alineja pod a) i Članom 70. Stav (1) Zakona o javnim nabavkama BiH postupak javne nabavke okonča zaključivanjem ugovora najpovoljnijim kvalifikovanim ponuđačem.

U postupku ocjene provedenog postupka načelnik Općine nije našao nepravilnosti ili propuste u radu, koji bi eventualno, bili razlog za neprihvatanje preporuke Komisije za javne nabavke. Naime, utvrđeno je da je izbor najpovoljnijeg ponuđača izvršen u skladu sa Zakonom o javnim nabavkama i Tenderskom dokumentacijom.

POUKA O PRAVNOM LIJEKU:

Protiv ovog Rješenja može se izjaviti žalba Uredu za razmatranje žalbi BiH putem Ugovornog organa, u pisanoj formi, najkasnije u roku od 5 (pet) dana od prijema istog. Naknada za žalbu je propisana članom 108. Zakona o javnim nabavkama. Žalba se podnosi u dovoljnom broju primjeraka, koji ne može biti manji od tri.

DOSTAVITI:

1. Ponuđačima
2. Arhiva.

